

杜宏剛 劉 玲

邱瑞中 鄭福田

韓登庸 曹惠民

主編

韓國文集中的清代史料(三)

廣西師範大學出版社

杜宏剛 劉 玲
邱瑞中 鄭福田
韓登庸 曹惠民

主編

韓國文集中的清代史料(二)

廣西師範大學出版社

· 桂林 ·

目錄

藥泉集

南九萬著 〇〇一

文谷集

金壽恒著 〇七五

西溪集

朴世堂著 一〇九

明齋遺稿

尹拯著 一八九

霽月堂集

宋奎濂著 二四九

南溪集

朴世采著 二五五

水村集

吳始壽著 二六三

芝湖集

李選著 二八九

西河集

李敏叙著 三一

瑞石集

金萬基著 三四

息庵遺稿

金錫胄著 三七五

醒齋遺稿

申翼相著 四〇七

雫沙集

李世白著 四二一

寓軒集

柳世鳴著 四四七

恬軒集

任相元著 四五三

迂齋集

趙持謙著 四九七

水村集

任 墜著 五一五

南九萬 著

藥泉集

南九萬，字雲路，號藥泉（一六二九—一六九三），朝鮮仁祖七年，明崇禎二年生，朝鮮肅宗十九年，清康熙三十二年卒。

九萬位居大匡輔國崇祿大夫，議政府右議政，兼領經筵事、監春秋館事、弘文館大提學、藝文館大提學、知成均館事。其余不詳。

《藥泉集》三十四卷，總一千三百九十一板，半葉十行二十字。

底本藏於國立中央圖書館。

欽知中樞府事李公墓誌銘乙丑

韓山之李。目稼牧兩先生後。奕葉貴盛。名德相承。仁祖朝有名卿焉。吏曹判書贈領議政謚忠貞諱顯英號蒼谷。夷險一節。事載國乘。夫人贈左贊成晉平君柳思規女。舉二子。長禮曹判書基祚。季卽公。諱徽祚字子美。生萬曆甲辰。幼知愛敬。長則勤業。而終屈於公車。崇禎癸酉。薦授繕工監監役。用職事修。褒陞尚衣院主簿。出金化縣監。丁丑。媾虜。以六卿子入質藩館。還歸。久之。拜掌苑署別提。移翊衛司翊贊。出茂朱縣監。御史以治最聞。秩滿還。拜司宰監主簿。出慶山縣令。陞醴泉郡守。引疾歸。出礪山郡守。御史錯認流芋爲礪民論遞。拜軍器寺僉正。出利川府使。坐微文罷。叙出坡州牧使。解歸。拜禮賓寺正。出永川郡守。時國內大飢。道臣以善賑聞。增秩。有同時蒙恩命而不可言路意者。一例請收。壬子。以年至乞遞。拜司導寺正。今上乙卯。朝廷推恩從臣父年七十者。以胤子奎齡曾在近職。進秩拜僉知中樞府事。公年雖高。清心省事。强健善起居。辛酉九月。屬微疾。易簀于京第。公性摯孝。蒼谷公之浮海朝天。尚少躬築土爲壇。泣禱於日月星辰。迄其歸如一日。其在金化。聞大駕幸南漢。則曰。君父在圍城。臣子何便之敢處。席

藁寢地以自苦。其在藩館。我隸有俘於虜而爲譯。乘勢用事。凌慢本朝。世子從官鄭雷卿欲以計殺之。事泄見執。館中人無敢面者。公獨攜酒往訣。時國多畏約。坐此廢七年。其在茂朱。上選守令之著聲績者。將書名御屏而公與焉。後雖不果行。一時以爲榮。若夫絪縕於礪而去思有刻。尼晉於永而天褒猶煥。所能者在我。不能者在人。其又何恨。及至晚歲。適值朝著多故。名流屏外。公亦不樂城市。寓居于江郊。遺落世事。寄意漁釣。以自遠於氛埃之外焉。公敦厚而慈良。質慤而謙謹。父與兄皆光顯于朝。而未嘗有一事疑於挾。歷職內外垂五十年。而未嘗以溫其家爲累。不事服食而恬靜寡求。克享壽康之福。考厥終始。可謂全而歸者矣。夫人李氏。廣州大姓。高城郡守斗瞻之女。後公二年而生。先公六年而卒。孝順端莊。婦德咸備。教子以義方。不專用慈道。夫人初寔長湍。移驪州。公卒用日者言。亦權厝于驪州。癸亥十月。新卜吉于州之柳谷。負亥之原合葬焉。有七男五女。男長奎齡。以文科進。歷數中外。聲望蔚然。今方觀察嶺南。曾任吏曹叅判。贈公與夫人如其職。次翼齡。次昌齡。四山監役。次彭齡。水庫別檢。次修齡。次九齡。次德齡。進士女長。適縣監洪受容。次適朴時瑗。次適尹世

弘次適僉正李晏著次適護軍申璠奎齡二男明恒進士明彥三女適進士俞德基張旻一幼翼齡一男明凌昌齡五男明升明觀明謙明復明益二女適韓配厚一幼彭齡二男明晉明運四女適任震昌洪禹偁鄭鍾尹泳修齡以明觀後九齡一男明誼德齡以明復後洪受容三女適李萬章進士金世重李廷楫朴時瑗二男檢泰奉徽一女適進士黃麟尹世弘三男啓明重明翊明李晏著五男思良思光思昌餘幼二女適進士俞彥明一幼內外曾玄以下不可悉記嗚呼盛哉銘曰

爵與其華於德無寧德華於爵位與其隆於齒無寧齒隆於位已與其盡食其報無可遺於子無寧子承餘祉有所顯於已繫其輸贏不足相易公之所獲不既多於其所未獲者耶

左議政鄭公墓誌銘

庚午

南谷鄭相國之胤大司憲載禧具狀授余曰先君之墓猶未有志敢有請也噫余自登籍得瞻公於貂玉之列始以末僚陪貳終以同升周旋閱歷三朝首尾三十有餘年矣到今耆舊多喪習於公者無幾銘文之託於余其亦可也雖不文敢不敬諾公諱知和字禮卿領議政文翼公諱光弼之五世孫左議政諱

惟吉之曾孫左議政諱昌衍之孫吏曹參判贈領議政諱廣敬之子世德之懿昭在國乘爛人耳目不待述也妣驪興閔氏敦寧府都正有慶之女以萬曆癸丑歲生癸酉中進士丁丑除齊陵參奉不拜冬及庭試第狀元授成均館典籍兵曹佐郎司憲府持平弘文館修撰侍講院司書從昭顯世子于潘館之質還入玉堂帶知製教遷吏曹佐郎受廉察之命于關西還陞吏曹正郎弘文館應教司憲府執義軍器寺正議政府舍人侍講院輔德爲養出原州牧使遞入舊踐以書狀官赴燕還拜尚衣院正陞承政院同副承旨序至左副戶兵參議出黃海道觀察使還入政院序至左備邊司副提調主吏兵參議司諫院大司諫掌隸院判事出廣州府尹全羅道觀察使咸鏡道觀察使坐事罷叙大司憲以副謝使赴燕還拜漢城府右尹兵禮戶參判承政院都承旨復長諫院遞拜京畿觀察使入兼同知義禁府事出平安道觀察使入同知中樞府事復貳戶曹長兩司政院擢刑曹判書遷戶曹知義禁府事漢城府判尹以節使赴燕還拜禮曹判書自此屢長秋曹京兆憲府非止一再矣受安州掌試之命還陞階正憲俄陞崇政判義禁府事以命官代相臣掌文科殿試異命也以寧

陵石罅。宗人翼秀上章許公卿。公亦坐就理削職。叙樞府判敦寧府事。進拜左議政。例降右。以風痺力辭。適值仁宣后喪。強疾視事。顯廟繼陟。受顧命之託。以院相積瘁。疾益甚。累劄遞拜判中樞。陞領中樞。江都有投書之變。公以名在書中。俟命闕外。上遣史官慰諭。入對。乞屏伏郊垌。不許。庚申黜陟之際。復拜左議政。首當按獄。尋引疾不許。不得已出。又辭。遞還西樞。以年入耆老所。復拜左議政。值客使不敢辭。以仁祖朝從臣。推恩有賜。上箋謝。仍請告遞。復還西樞。戊辰正月。感疾漸篤。上遣醫問疾。三月。考終于城南之第。上以受遺大臣。哀卹之甚厚。輟朝遣官弔祭。賜黃腸秘器。限終喪給祿。異數也。五月戊戌。禮葬于果川縣冠嶽山北麓。負乾之原。公妙年巍科。逸軌榮途。位極三事。壽近八袞。出入中外。施措之利物者衆。步武廊廟。訐謨之贊化者多。若巨若細。不可備指而悉數。今以其秉心行事。可爲士大夫規範。及獻替論列。有係於時運者言之。其從藩館。弼善鄭雷卿。欲以計誅虜將之甚我者。語泄禍作。世子將親詣虜庭。丐其死。纔出門。清譯羣輩攔阻。使不得前。從官亦遲疑。囁嚅。公奮然進曰。邸下哀愍無辜。將欲辱身訟冤。不可爲彼尼止。半途而還。清譯輩魚休左。

右。公抗辨不已。觀者感奮。時孝廟以王子並質在館。時要官官會飲。公輒謝病不赴。其尹廣州。前尹坐贓下理。公當其覈。躬閱亂簿。得一事可爲地者。喜曰。交承之義。本如兄弟。庶以此救其命。遂力辨于道。臣。咸死論。其長諫院。前判書趙綱上疏論禮。右尹善道被臺劾。公曰。綱以老臣。乃爲此時。俗指目之語。可惜。而今日臺啓。亦未知其公平。引嫌遞。及甲寅。後兩司請宋公時烈及賓廳議禮諸臣之罪。公上劄。略曰。大妃服制。大臣初以國制稟定。其後儒臣始引四種。先王命。依大臣議施行。故及賓廳議啓。又引四種。先王下教曰。此則庚子爭辨時不採用之空言。今若以國制之期爲非。初非儒臣之所發口。若以四種之說爲罪。此是朝家之所不用。兩司諸臣窺覷憑藉。追罪空言。爲網打一世之計。何其甚也。上不入。既而朝論又請以諸臣誤禮之罪告宗廟。公喟然歎曰。其將魚肉士林矣。乃申劄。略曰。自古討逆之外。曷嘗有以人臣之罪。上告太廟。亦安有告廟之後。其人終得保全之理乎。古人以殺一士。猶謂之亡國。議禮諸臣。雖或有罪。豈可遽施以討逆之典乎。聖明御世。安有此事。上察其至誠。特賜開納。及庚申。按獄。又以爲朝廷屢變坐朋黨。相牽連者多。易致失入於大。

獄力務平反。人或病其太寬。不回也。又上劄略曰。向時之人。久擅朝政。形勢所在。舉世靡然。於斯時也。能自拔於流俗者。有幾人哉。到今彰瘡太過。疵謫多端。人懷危懼。實非和平之道。宜加審覈。去其太甚。餘悉剪拂。以開自新之路。上許納焉。嗚呼。自朝論相激以來。進退消長。殆甚寒暑之偏勝。觀公前後獻言。其稱停之適宜。實如裘葛湯水之隨時。若使公言得行。而無閹。河潰魚爛之禍。豈至於相隨屬不已。若是其烈哉。公事親孝。治家肅。遇宗族篤厚。接士大夫謙恭。儀觀偉然。嚴毅而和樂。望之令人聳矚。記余嘗佐公於秋曹。聯席累月。見其於治理。平而允。嘗共詣長陵。審其遷奉之當否。見其於言議。確而正。此在公雖非盛節之可紀者。實余承顏色而聞謦欬。念諸中而不能忘。其敢不云。夫人慶州李氏。贈吏曹叅判并男之女。領議政文忠公恒福之孫。貞順端潔。事君子無違。聞儀之正。宗黨咸推焉。生先公一年。卒先公二十八年。葬祔公。無育。以從子載禧後。公有側室男女各一人。載禧又以本生兄子立先爲後。銘曰。

東萊之鄭。顯自勝國。入于本朝。其業愈奕。積德累勤。大聞文翼。繼繼作相。前公已六。原其致此。家法實卓。制節謹度。持身之躅。遠勢不黨。立朝之蹟。世濟其

美罔或有忒。源大流豐。於古未覩。公之爰立。乃在晚歲。病不任勞。屢拜屢遞。燥濕辛甘。雖未克劑。誠誨規諷。亦裨斯世。忠盡之德。與先一體。菟彼喬木。其陰濃翳。凡此下民。望以爲慰。冠岳崔崔。邦國之衛。公宅其北。我銘是瘞。

大司憲俞公墓誌銘

杞溪之俞。著自新羅。蟬聯勝國。及我朝尤顯。有戶曹判書肅敏公諱絳。生郡守諱泳。郡守生贈叅判諱大儀。叅判生觀察使贈贊成諱省曾。贊成之配綾城具氏。泰奉濬之女。有二子皆顯。公其季也。諱敬字方叔。萬曆丙午歲生。丁卯登庠。癸酉闈文科。時當仁祖中興之際。朝彥如林。而仁祖臨朝淵默。於老成諸臣。亦少假許言。公以眇然新進。珥筆入侍。則目其步武曰真宰相也。公亦以受明王之知。感激自奮。丙子急報之至。以一史官。質責體察使金塗於坐。扈入南漢。方在上前。舍筆出位。力爭。王世子出質之非。且請出御正堂。申飭將帥。一意戰守之備。上許之。命體察使以下介胄受命。後以司諫上疏。略曰。今日朝臣。各自爲家計。殿下獨不自爲家計。春宮大臣。並被拘質。五歲元孫。未免北轅。授首強隣。死生唯命。驅我赤子。助攻父母。而延接清人。一新輿輦。

尚方所供。親自點退。殊異於衛野之大布矣。百爲潰裂。由不得人。一世之才。在用如何。而慷慨論事。輒加摧折。循默取容。則寵以爵祿。殷下一酒之志。豈但如此而可成也。斥和三臣之死。千載之下。亦可酸鼻。當其執送。王浹橫途。親教以護恤母妻。月給斗米之外。未聞有存撫慰錫之典。亦非收拾人心之道也。仁廟大加開納。擢拜承旨。差備邊司副提調。通政之差。是任。乃當朝之選。柄政之儲也。及出郡而有岐麥之祥。按藩而致遠人之讐。未數年擢卿秩。其拜大憲。以大君之僇辱禁吏。詰臺舉劾。上直其言優容之。又拜大諫。以姜庶人獄株連者多。請審理冤枉。以應天旱。上雖不盡許。亦優答焉。及孝廟嗣服。承旨柳道三與大君語稱臣。有徐扞者上變告。上怒誅扞。臺諫亦劾道三妄發遞之物論猶未已。公適以諫長入侍。言道三妄發固無情。以近臣冒邦禁見大君。請罷職。上疑公有意浸漸於大君。威怒遽震曰。前日教扞誣告者此人也。下禁府嚴鞫。左右戰慄不敢言。加刑之命又下。家人入視獄中。神氣如平日。命後事甚治。適司諫尹鏞詣臺獨啓停刑。俄命安置絕島。旋移平海。未幾放叙。而除命猶未及。顯廟繼明。始拜南邑公。曰余僇人也。幸蒙恩爲宰。朝夕一孟飯外。

不可私一毫。雖子弟紙筆之需。亦禁不與。自此後雖復奮踐。其所以自操持者。一此心以終焉。蓋公自在儒冠。已有公輔之期。及際日月之會。簡在上。心望實益隆。廩廩乎延登三事矣。又當孝廟經營大略。寤寐英豪之秋。密勿昭融。宜無有居公右者。而事勢之激。適有相觸。及於縲綬。因以廢退。夙昔所陳於先朝者。不得復罄效於君側。而天心少悟。未命遽揚。及至晚暮之後。雖以久次。詎勉中外。亦已無意於任世矣。君臣之遇。宜乎終古以爲難也。公立朝幾四十年。歷官多矣。參下則槐院銀臺春坊翰苑。參上則典籍兵吏郎正言獻納司諫。修撰校理應教舍人兼弼善司僕寺正知製教。通政則承旨兵禮參議。嘉善則戶禮兵刑參判銀臺兩司之長。京兆西樞兼則檢府金吾國子。以赴燕還加一資。外則醴泉錦城畿營嶺臬後。江華開城二都。隨地有美績。人多紀之。辛亥正月十二日。卒于京第。賻祭如儀。三月葬于楊州車踰嶺負子之原。從先兆也。公五歲失母夫人。以不識顏面。祿不及養。爲終身痛。語及必涕。晚歲見贊成公遺墨。亦且泫瀾云。與伯氏參議公平居無異財。及沒待寡孤備敬愛。從弟疫死。親戚無敢入視。公獨躬執歛殯。雅尚儉約。服用寒素。不困於酒。嚴戒於色。此公

篤行之則也。居家終日儼然。雖於奴僕。未嘗有疾言遽色。莅官嚴重。吏不敢仰視。而亦未嘗輕用捶撻。故爲下者。莫不畏其威而服其寬。此公率物之方也。初配豐川任氏不育。繼配清州韓氏。皆世甲乙之族。而賢有行。並祔公兆之下。而左右異墳。男長命舜。天而有一男曰學基。次命健。命岳女適安相吉。側出男命龍。余後進也。晚於賓坐。承公顏者僅一再。然其瓌偉之姿。弘曠之度。亦有竊覲而傾嚮之者矣。今公之胤命健以狀授余。請誌幽堂。余旣辭而遂叙之。系以銘曰。

才不才天所賦。不用上所制。遇不遇時所值。幸不幸命所繫。嗟乎我公。旣得乎天。又獲乎上。奈時之多故。與命之難定。然可力者內致。不可必者外至。苟無愧於其內。抑何恨其外之斯止。聞諸先民。位不稱德。遺餘于後。豈天之意。又將有所祐。

吏曹判書林公墓誌銘

己丑

公姓林氏。諱潭。字載叔。號清癯。羅州會津縣人。高麗大將軍諱庇。是爲鼻祖。自是軒冕相承。至全羅兵馬虞侯贈兵曹參判諱杓。是生承政院左承旨贈禮曹參判諱鵬。是生承文院正字贈兵曹判書諱復。是生黃海道觀察使贈議政府左贊成諱愔。是爲公四世。

妣贈貞敬夫人平澤林氏。龜城府使贈領議政植之女。公生千萬曆丙申歲。翌年倭寇大入。舉家避海島。猝遇倭。倭有相人者。見公在襁負曰。見貴人。指示避兵所。家賴以免。年十四受學朴南郭東說。聲譽蔚然。丙辰中司馬。連登發解。而當光海幽閉。母后贊成公棄官歸。公亦廢舉。隨往。癸亥。仁祖改玉。贊成公觀察海西。甲子。逆迺稱兵。關西。公自本家晨夜行。謁贊成公于平山山城。晨昏幕府。多助籌畫。人擬魏公之敬夫。己巳。除洗馬。轉侍直副率。陞宗簿主簿。出同福縣監。有循良聲。乙亥。登文科。除刑曹佐郎。丙子。移禮曹。遷正言。選知製教。歷司書持平。冬。清兵猝至。扈入南漢。差督戰御史守南門。旋差捻戎從事。移守南格臺。賊發大砲壞城。進雲梯攀堞。公輒設機應變。以水沃城而凍之。砲不得破矣。以鎌鈎梯而奪之。賊無所憑矣。又飛礮石擊碎之。撒火筒焚燒之。賊死者無算。終得保所守。丁丑。隨駕還京。子宗儒以扈從除繕工監役。公嫌其少。使不仕。差湖南賑恤御史。還錄玉堂。拜修撰兼漢學教授。以承傳陞濟用正。移掌令。疏陳金尚容李時稷死義明白狀。請亟加褒典。歷司諫司僕正兼訓練都監。備邊司郎廳。戊寅。拜校理舍人。時廟堂欲進用公。亟連薦。擬海伯戶議。移應教。遞拜。

文學時。王世子在藩館。公以僚屬當行。而大臣以有主管事請改。臺諫劾公憚行。上以非公咎不允。歷典簿掌樂正。用嘉禮都廳勞加通政。己卯拜同副承旨。轉至右。使藩中還。出按海西。庚辰以兵曹叅知還。復入銀臺。差遠接使。前此有以通政階特膺是任者。而非例也。公以品卑辭不許。兼備邊司副提調。拜禮曹叅議。坐事罷南歸。辛巳卜居于茂朱縣西。再辭除命。三召以判決事還朝。出安東府使。壬午陞按本道。癸未秩滿。以兵曹叅議還。適新按使丁憂。以公有遺績。復授前節。乙酉秩再滿還朝。坐吏議罷。未幾叙拜公清道觀察使。丙戌春。尼山等地姦民結黨。謀欲先破全州。次攻公州。直上京城。有先發告者。公即密啓于朝。傳令兵使發諸邑兵勦捕。時諸邑兵與賊相通者過半。人情危懼。營下數驚。一夜喊聲四起。公安坐鎮之。斬賊黨之有叛具先擒來者數人。懸首營門。人心稍定。號令乃行。公以膺藩寄而不能預先詞察待罪。上慰諭諸賊之就捕者數百人。餘黨散落。事既平。召公勘勲。公以小寇紀功非宜。力辭再三。事終寢。九月陞拜平安道觀察使。進嘉善。以討賊功。又加嘉義。賜田民辭陞引見。錫賚便蕃。及莅職。將大加均節。疏滌宿弊。適俘虜鄭命壽者。稱勅出來。徵求無

藝。公一切不許。故多恨怒言。廟堂聞之。爲解公職。入拜刑曹叅判。移禮曹兼副揔管。更兼籌司。戊子移兵曹兼同知義禁。賑恤堂上。充燕行副价還。拜大司諫。進劄以謹天戒崇節儉。嚴宮闈廣言路爲目。凡累千言。遞拜左尹。己丑移戶曹兼尚衣提調。遷都承旨。更曹叅判兼同知成均。五月。仁祖昇遐。差殯殿都監提調。宗廟提調兼同知經筵。以殯殿勞陞資憲。拜知中樞。移知敦寧都揔管。拜吏曹判書。時金愼齋集以國恤到京。朝議以難致之人適入朝。有屬望言。公再疏三告固讓。遞拜大司憲。庚寅拜刑曹判書。遞拜知中樞。時清人疑我有貳。查使六輩並來。問我通倭有無。求婚使繼至。公以儼往還。拜右叅贊。移禮曹判書兼常平堂上。以副使赴燕。得歷代君鑑上之。以寓規諷。賜臯比。以知春秋叅修。仁祖實錄。十二月傳訃使至。公以儼迎送。辛卯正月北使又至。命公留灣仍儼道。拜吏判還。兼訓局軍色提調。伴送至灣。三月北使來。仍爲儼還兼。世子左賓客。以尊崇大妃進冊寶。加正憲。叅卜相。壬辰兼守禦使。五月又儼北使。擢拜判義禁。進崇政。時大臣言于上曰。上所注意爰立之臣。宜先進秩以示漸。故有是命。公兼管諸司至十五六處。且數當儼行。實多勞瘁。自揣

難支欲辭伴送。諸公有止之者曰。上於西事。委公。聖眷不可孤。公勉勉作行。七月十日。到嘉山。觸熱疾作。是夜不起。道臣上聞。兵使治喪。以公屬纊前二日。口占絕句附啓。有君恩天大。一身輕。燥濕奔忙。委死生之語。上下教曰。倚重之人。意外喪逝。悲悼之極。不覺涕出。特命賜禮葬。贈領議政。公二子奔哭。扶輓到京城外。上遣官弔祭。下諭三道護送其喪。王世子亦遣官致弔。十月四日。葬于龍潭縣南負西之原。公器宇識量。絕出於人。夙負公輔之望。而顧屈於公車者有年。登第之初。適當國家之多難。隨處效職。聲實自著。其在言議論思之地。補拾闕遺。固已多矣。若言其殊績。則以眇然新進之一文士。乘三板獸角之危城。拒百道撓衝之亂舞。能使凶鋒摧。毒燄熾息。此可謂關武夫之口而奪之氣者也。又當時平無事。兵偃備弛之日。狂狡之氓。締交合從。浸淫兩湖之間。十數邑。不但弄兵潢池。將欲直指京闕。事幾猝迫。安危決於呼吸。而乃以輕裘緩帶。雍容指揮。使誑誘扇亂之徒。悉就緝捕。撲滅始炎。不至於燎原之不可抹。斯豈非需者之智勇耶。至若身爲弱國之臣。自甘主憂之辱。仗其忠勤。竭心西事之策。應前後十餘年間。飲水於燕路者三。召價於龍灣者

五。而或因送爲迎。或纔來復去。不得安稅者終年。誠以劑量緩急。彌縫間隙。非公則莫可故也。宸衷傾許。朝列推先。劬勞獨賢。終至臯復於賓館。雖未極其年位。不盡其才猷。然其以死勤事。亦可追擬於周雅奔奏之臣也。常以朝論歧異。互相傾敎。爲喪邦之痼疾。故其處銓地。絕不以標榜參錯於注擬。雖有偏心者。無敢以黨目指公。雖素嘗採訪。名已在夾帙中者。如或有貴勢之屬。親知之託。則輒抹去之曰。吾固欲備擬。今有私請。便非公道。何可用也。以此門庭常閒。然無車馬聲。官位既隆。俸祿優厚。而隨入隨散。不以生業經心。故無第於京。兄承旨公堦謂公之子曰。汝父官尊而置身無所。儼屋而居。是何苦節。爲之自買一區與之。然亦廳宇狹隘。客至先者退而後者乃入。公於晚暮。每以祿不及養爲至痛。語及父母。輒悲咽流涕。事承旨公如嚴父。事寡姊如慈母。一日姊到公第。適小雨。公手傘隨後。姊顧笑曰。吾乃使一品宰相奉傘而隨乎。自少酷愛山水。結舍於昭陽江邊。爲棲息之所。中年始得朱溪。將欲終老。作分宜堂詩以見志。然而聖眷隆重。時事艱虞。不敢乞身。每於賓友燕語。詩章吟咏。未嘗不感慨於茲云。公初娶青松沈氏。舍人光世女。葬在羅州先塋。再娶潘南朴氏。贈掌

令煒女。三娶慶州金氏。縣令震賢女。並葬附公。沈出一男三女。男宗儒副率。後承旨公女適尹克李興穆。府使成昌秀。杆出一男一女。男宏儒察訪。女適慎碩。觀全出一男一女。男定儒早歿。女適洪得周。宗儒四男。世溫察訪。世良府使。世恭都事。世儉文科執義。李興穆二男。秀弼秀衡。成昌秀一男。壽雄判官。宏儒三男。世讓直長。世謙生員。世誨。世溫男曰象德。文科狀元。方爲天曹郎。余生也。晚當公在位時。未及掃門。而公之宅相成判官壽雄。實與余有忘年之契。請余銘公墓。余既敬諾。而遷謫流離。久未之果。今公之孫世讓。世謙又來申請。茲敢叙而銘之曰。

朱溪一曲。山明水淥。公所卜居。名堂分宜。欲老於斯。作詩自適。君恩天大。王事未愒。不遑歸歟。濟時方急。大運歟。及朝野欽歔。樂哉斯丘。亦公曾遊。近于舊廬。竈突之事。緣公雅意。爰得所於。流風不改。德音如在。欽此遺墟。

藥泉集卷十七

使柳公神道碑銘

庚午



五十年而莫道無文。公之少胤承宣君亦已老矣。思

速其成。具狀屬筆於余。敬諾。年過五六來。徵書至六七而猶未有報也。非敢緩。實有待也。蓋當丙丁之際。公受命於西閫。建功於東峽。而歲月已遙。傳聞錯出。今其治兵之方。決勝之略。雖有子弟賓吏之所記。亦或非身履而親見者也。思得足及乎樹羽之地。面訪乎隨麾之卒。以徵其必信。而未有路耳。適余受命赴燕。再過安州。又遷北邊。道經金化。備得兩地人口談與筆錄。又身登戰場。徘徊顧盼。想像當日事。如在矚焉。於是始敢隨聞記實。以示來許。非但爲公象山之私刻。亦擬夫補史之闕文也。崇禎丙子。西憂孔棘。朝廷拜公副元帥。未授鉞。曰。元帥之威。不若兵使之專。移拜平安兵使。前曾再莅。及是三矣。兵民已信。功緒有因。州城纔經丁卯之陷。人心凜凜。而公率厲將士。修戰守之具。增堞浚壕。外築土牆。牆內外掘坑如品字形。綿絡相接。使人馬不得近。附築新城。引入江流。以備泉渴。積待米粟。足支數年。日饗士以待之。警報至。幕裨請出眷于外。公曰。當與軍民父母妻子同死生耳。清兵過城下。以騎少不得出要。唯嚴爲守備。清王自乘大橐駝。覬望城上。無一片旗。無一人聲。曰。大軍臨城。安靜如此。守城之將。必有智略。不可攻。積草城外。因風縱火。從煙外引去。蓋懼其追躡也。時京都